

**Nukissamik pilersuineq pillugu Inatsisartut peqqussutaasa allangortinneqarnera pillugu Inatsisartut inatsisaat nr. 41, 23. november 2017-imeersoq (Ataasiakkaarluni kiassarnermut uuttuutit)**

**§ 1**

Nukissamik pilersuineq pillugu Inatsisartut peqqussutaat nr. 14, 6. november 1997-imeersumi Inatsisartut peqqussutaanni nr. 9, 15. november 2007-imeersumi allangortinneqartumi makkua allangortinneqarput:

**1. § 7, imm. 2, imatut oqaasertalerneqassaaq:**

” *Imm. 2.* Pilersaaruserneq § 1-imi siunertat taaneqartut malillugit pisassaaq. Innaallagissamik kiammillu pisariaqartitsinerup matussuserneqarnissaanut periarfissat assigiinngitsut pilersaarusernermi erseqqissaatigineqassapput, tassunga ilanngullugit nukissamik atuinermi sipaarnissamut periarfissat, innaallagissap kiaallu ataatsimut pilersinneqartarnerat, nukissamik ataavartumik atuineq, nukissiorfinnik atuilluernerulersitsineq, kiassarnermut atuisut akiligassaannik ataasiakkaanut uttortaanissamut uuttuutit ikkussuineq, kiisalu ikummatissanik avatangiisinut ajoqusiinngitsunik atuineq.”

**2. § 15-ip kingorna ilanngunneqassaaq:**

” **§ 15 a.** Namminersorlutik Oqartussat aamma kommunit inissiaataanni attartortittakkani inissiani kiisalu inissiani aktiaatileqatigiiffinit Namminersorlutik Oqartussanit pigineqartunit pigineqartuni kiassarnermut atuinermit akiligassanik ataasiakkaarlugit uttortaanissamut uuttuutit ikkussuisoqassasoq Naalakkersuisut aalajangersinnaavaat, tamatumani ikkussuinermit aningaasartuutit sipaarutaasussanit atuisut ataasiakkaat sipaarutigisassaannik matussuserneqarsinnaannginnerannik, immikkut illuliornermut teknikkimut tunngasut malitseqassanngippata.

*Imm. 2.* Nukissiorfiit inissiani aqqissuussinermi pineqartunut ilaasussani kiassarnermut atuinermit akiligassanik ataasiakkaarlugit uttortaanissamut uuttuutit ikkussuinissamut piffissamut killissaliussassanut pilersaarummik suliaqassaaq.

*Imm. 3.* Kiassarnermut atuinermit akiligassanik ataasiakkaarlugit uttortaanissamut uuttuutit ikkussuinermit aammalu tassunga atatillugu illuliornermut teknikkikkut allangortiterinermit suliaqarnermit aningaasartuutit, inissiaatini attartortittakkani imm. 1-imi taaneqartuni inissianik piginnittut akisussaaffigaat.

*Imm. 4.* Nukissiorfiit uuttuutit misissuisarneq atuaasarnerlu kiisalu akiligassiisarneq pillugit maleruagassanik erseqqinnerusunik aalajangersaasinaapput.”

**3. § 17, imm. 1-imi nr. 3-ip kingorna normutut nutaatut ilanngunneqassaaq:**

”4) Kiassarnermut atuinermit akiligassanik ataasiakkaarlugit uttortaanissamut uuttuutit.”

**4. Inatsimmi tamarmi ”Inatsisartut” allangortinneqassaaq imatut: ”Inatsisartut”, ”Naalakkersuisut”**

imatut: ”Naalakkersuisut”, aamma ”Naalakkersuisut” imatut Naalakkersuisut”.

## § 2

Inatsisartut inatsisaat ulloq 1. januaari 2018 atuutilerpoq.

*Namminersorlutik Oqartussat, ulloq 23. november 2017*

Kim Kielsen